

BASES DO CONCURSO DE COMPARSAS – MODALIDADE MÚSICA E LETRA

1. Poderán formar parte do concurso persoas ou entidades, con agrupacións dun mínimo de 10 participantes disfrazados para a ocasión, que previamente efectúen a súa inscrición mediante o envío dun correo electrónico a imce@coruna.es ou mediante a súa presentación nas oficinas do IMCE (Avda. da Mariña, 18, 15001 A Coruña), antes das 14:00 horas do mércores 8 de febreiro de 2017.

A inscrición deberá acompañarse do texto escrito e o arquivo sonoro dos dous temas para interpretar no concurso.

A participación de cada grupo consistirá en interpretar dúas cancións co oportuno acompañamento musical durante un tempo máximo de intervención de 4 minutos por canción.

Os temas non poden terse presentado en edicións anteriores do concurso.

2. Establécense os seguintes premios:

☐	PRIMEIRO PREMIO	1.500,00 €
☐	SEGUNDO PREMIO	1.200,00 €
☐	TERCEIRO PREMIO	800,00 €
☐	ACCÉSITS (*)	150,00 €

(*) O número de accésits dependerá do número de participantes, pero nunca será superior a 4, e serán outorgados a aquelas comparsas que, segundo o xurado, presenten unhas coplas acordes co espírito do Entroido.

3. A comparsa gañadora terá que interpretar en directo as dúas cancións do concurso, o venres 24 de febreiro ás 21:00 horas no acto de entronización do Deus Momo que terá lugar no Obelisco. O resto das comparsas participantes tamén deberán estar presentes no acto de entronización.

Para poder acceder a calquera dos premios é necesario participar no concurso, e formar parte do desfile de carrozas e comparsas que discorrerá desde o Cantón Pequeno ata a praza de María Pita o sábado 25 de febreiro a partir das 17:30 horas.

Así mesmo, as comparsas gañadoras actuarán, con todos os seus membros, no programa especial de radio Entroido 2017, que se emitirá en directo o martes 28 de febreiro de 12:20 a 14:00 horas desde o Campo da Leña ou onde determine a organización se as condicións meteorolóxicas non permiten a súa realización nese lugar.

4. O concurso resolverase nun festival que terá lugar o domingo 19 de febreiro ás 18:00 horas no Pazo da Ópera.

5. A orde de actuación será determinada pola organización.

No caso de que se reciban máis de 6 inscricións, realizarase unha selección previa por parte das persoas técnicas do IMCE.

6. O xurado estará composto polo Ilmo. Sr. Alcalde - presidente do Excmo. Concello da Coruña ou persoa na que delegue, cinco persoas de recoñecido prestixio e o Sr. Secretario Xeral do Excmo. Concello da Coruña ou persoa en quen delegue, que redactará a acta.

7. O importe dos premios quedará suxeito ás retencións que a lexislación vixente establece.

8. O xurado deliberará e emitirá o seu veredicto ao finalizar as actuacións no Palacio da Ópera, para o que terá en conta a simpatía e agudeza das letras, a natureza da composición musical (orixinal ou non), a correcta execución da interpretación musical e a afinación e o axuste do conxunto coral.

O ditame do xurado será inapelable.

9. A inscrición no concurso levará implícita a aceptación das presentes bases.

BASES DO CONCURSO DE CARROZAS

1. Poderán formar parte do concurso persoas ou entidades que previamente efectúen a súa inscrición mediante o envío dun correo electrónico a imce@coruna.es ou mediante a súa presentación nas oficinas do IMCE (Avenida da Mariña, 18, 15001 A Coruña), antes das 14:00 horas do venres 10 de febreiro de 2017, e que se comprometan a construír unha carroza e a asistir con ela ao desfile de carrozas e comparsas que discorrerá desde o Cantón pequeno ata a praza de María Pita o sábado 25 de febreiro a partir das 17:30 horas.

Lugar de formación: Cantón Pequeno

Hora de formación: 16:15 h

Será obrigatoria a participación dunha persoa representante da carroza gañadora do primeiro premio no programa especial de radio Entroido 2017, que se emitirá en directo o martes 28 de febreiro de 12:20 a 14:00 horas desde o Campo da Leña, ou onde determine a organización se as condicións meteorolóxicas non permiten a súa realización nese lugar.

Enténdese por carroza, para estes efectos, unha estrutura de grandes dimensións sobre rodas, ben sexa autopropulsada ou remolcada, confeccionada para o efecto e convenientemente deseñada e decorada.

As carrozas deberán cumprir o esixido no anexo adxunto e respectar a normativa de seguridade aplicable.

Non se poderán inscribir como carroza turismo particulares decorados.

No caso de que se produzan danos a bens ou persoas durante a construción, organización e/ou posterior desenvolvemento do desfile de carrozas e comparsas, a responsabilidade que se derive será asumida solidaria e integramente polas persoas inscritas como participantes no concurso que á carroza/s correspondan.

2. Establécense os seguintes premios:

PRIMEIRO PREMIO:	1.500,00 €
SEGUNDO PREMIO:	1.200,00 €
TERCEIRO PREMIO:	800,00 €
CUARTO PREMIO	500,00 €
QUINTO PREMIO	300,00 €
ACCÉSITS (*):	200,00 €

(*) O número de accésits dependerá do número de participantes, pero nunca será superior a 5, e serán outorgados a aquelas carrozas que, segundo o veredicto do xurado, presenten unha elaboración debidamente coidada.

Para poder acceder a calquera dos premios é necesario facer o percorrido completo do desfile.

3. O xurado estará composto polo Ilmo. Sr. Alcalde - presidente do Excmo. Concello da Coruña ou persoa en quen delegue, cinco persoas de recoñecido prestixio e o Sr. Secretario Xeral do Excmo. Concello da Coruña ou persoa en quen delegue, que redactará a acta.

4. O importe dos premios quedará suxeito ás retencións que a lexislación vixente establece.

5. O xurado deliberará e emitirá o seu veredicto ao finalizar o desfile, para o que terá en conta a singularidade das carrozas e comparsas, os materiais de elaboración, a construción artesanal, a complexidade das construcións, os acabados da proposta e a concordancia da carroza coa comparsa á que acompaña.

O veredicto do xurado será inapelable.

6. A inscrición no concurso levará implícita a aceptación das presentes bases.

ANEXO ÁS BASES DO CONCURSO DE CARROZAS

- Cabeza tractora:

- o Cada carroza contará cun tractor ou medio de locomoción que o remolque durante o percorrido. En caso de camión-carroza, non será necesario outro vehículo para remolcar.
- o Estes vehículos de motor deberán contar con: permisos de circulación, de inspección técnica (ITV) e os seguros correspondentes, baixo responsabilidade das persoas que figuren como inscritos.
- o Os choferes deberán contar co permiso de conducir apropiado para cada vehículo, que deberá estar en vigor na data do evento.
- o Os condutores cumprirán o establecido no RD 2822/1998 (Regulamento xeral de condutores). Prohíbese o consumo de bebidas alcohólicas.
- o Os vehículos de arrastre deberán ter cheo o depósito de combustible para evitar problemas durante o percorrido pola cidade.

- Remolques – carrozas:

- o As medidas máximas serán dun longo non superior aos 8 metros, dun ancho non superior aos 2,5 metros e dun alto non superior a 4 metros. En ningún caso se poderán exceder as medidas establecidas.
- o Non deberán posuír elementos cortantes e contar con faldrons que protexan e oculten as rodas.
- o Os elementos con puntos de ancoraxe automáticos serán facilmente desmontables e non poderán sobresaír dos laterais.
- o O decorado será de material ignífugo.

- Os equipos de son e de luz terán que ir protexidos e ocultos. Débese evitar utilizar iluminación mediante velas, petróleo, gas ou calquera outro tipo de combustible.
- Aquelas carrozas que precisen de grupo electrógeno, deberán protexelo de golpes e inclemencias meteorolóxicas. O seu combustible non se poderá transportar na carroza, deberá ir no vehículo de arrastre convenientemente situado para garantir a seguridade durante o desfile e en depósito homologado.

- Xerais:

- Deberá levar un mínimo dun extintor homologado e revisado por carroza. A eficacia mínima do extintor debe ser 21A-113B.
- Evitarase a utilización de dispositivos lanzachamas nin pirotecnia.

BASES DO CONCURSO DE COMPARSAS NA MODALIDADE DE

VESTIARIO E COREOGRAFÍA

1. Poderán formar parte do concurso persoas ou entidades que previamente efectúen a súa inscrición mediante o envío dun correo electrónico a imce@coruna.es ou mediante a súa presentación nas oficinas do IMCE (Avenida da Mariña, 18, 15001 A Coruña), antes das 14:00 horas do venres 10 de febreiro de 2017, e que se comprometan a asistir ao desfile de carrozas e comparsas que discorrerá desde o Cantón Pequeno ata a praza de María Pita o sábado 25 de febreiro a partir das 17:30 horas.

Lugar de formación: Cantón Pequeno

Hora de formación: 16:15 h

2. Establécense os seguintes premios:

PRIMEIRO PREMIO:	1.500,00 €
SEGUNDO PREMIO:	1.200,00 €
TERCEIRO PREMIO:	800,00 €
CUARTO PREMIO	500,00 €
QUINTO PREMIO	300,00 €
ACCÉSITS (*):	200,00 €

(*) O número de accésits dependerá do número de participantes, pero nunca será superior a 15, e serán outorgados a aquelas comparsas que, segundo o veredicto do xurado, presenten un vestiario debidamente elaborado e unha coreografía ben traballada e estean presentes no desfile de carrozas e comparsas descritos na base 1.

Para poder acceder a calquera dos premios é requisito imprescindible realizar o percorrido completo do desfile de carrozas e comparsas.

Será obrigatoria a participación dunha persoa representante da comparsa gañadora do primeiro premio no programa especial de radio Entroido 2017, que se emitirá en directo o martes 28 de febreiro de 12:20 a 14:00 horas desde o Campo da Leña, ou onde determine a organización se as condicións meteorolóxicas non permiten a súa realización nese lugar.

3. O xurado estará composto polo Ilmo. Sr. Alcalde - presidente do Excmo. Concello da Coruña ou persoa en quen delegue, cinco persoas de recoñecido prestixio e o Sr. Secretario Xeral do Excmo. Concello da Coruña ou persoa en quen delegue, que redactará a acta.

4. O importe dos premios quedará suxeito ás retencións que a lexislación vixente establece.

5. O xurado deliberará e emitirá o seu veredicto ao finalizar o desfile de carrozas e comparsas, para o que terá en conta tanto os disfraces presentados como a singularidade das creacións, os materiais de elaboración, a confección artesanal, a complexidade da confección, o volume de elementos presentados, os acabados dos disfraces e os seus complementos, así como a graza para o seu porte e as coreografías que as comparsas desenvolvan durante o desfile.

O veredicto do xurado será inapelable.

6. A inscrición no concurso levará implícita a aceptación das presentes bases.

BASES DO CONCURSO INFANTIL DE DISFRACES

1. Poderanse presentar ao concurso todos os nenos e nenas que se inscriban o mesmo día da súa realización, desde unha hora antes do seu inicio no lugar no que vai ter lugar (martes 28 de febreiro ás 17:00 horas no Campo da Leña, ou onde determine a organización se as condicións meteorolóxicas non permiten a súa realización nese lugar). Poderase participar nunha única modalidade: individual ou de grupo (máis de dous participantes), e non se permite a inscrición en ambas modalidades.

2. As persoas participantes deberán ser nenos e nenas nados despois do 31 de decembro de 2004.

3. Outórganse os seguintes premios:

MODALIDADE INDIVIDUAL

Primeiro	Lote de libros de Literatura Infantil
Segundo	Lote de libros de Literatura Infantil
Terceiro	Lote de libros de Literatura Infantil

MODALIDADE DE GRUPO:

Primeiro	Lote de libros de Literatura Infantil
Segundo	Lote de libros de Literatura Infantil
Terceiro	Lote de libros de Literatura Infantil

4. Os premios entregaranse unha vez finalizado o pase de disfraces e o xurado efectúe a correspondente deliberación. O veredicto do xurado será inapelable.

5. A inscrición no concurso levará implícita a aceptación das presentes bases.

BASES DO CONCURSO INFANTIL DE CHOQUEIROS

1. Poderanse presentar ao concurso todos os nenos e nenas que se inscriban o mesmo día da súa realización, desde unha hora antes do seu inicio no lugar no que vai ter lugar (martes 9 de febreiro ás 17:00 horas no Campo da Leña, ou onde determine a organización se as condicións meteorolóxicas non permiten a súa realización nese lugar). Poderase participar nunha única modalidade: individual ou de grupo (máis de dous participantes), e non se permite a inscrición en ambas modalidades.

2. As persoas participantes deberán ser nenos e nenas nados despois do 31 de decembro de 2004.

3 .Outórganse os seguintes premios:

MODALIDADE INDIVIDUAL:

Primeiro	Lote de libros de Literatura Infantil
Segundo	Lote de libros de Literatura Infantil
Terceiro	Lote de libros de Literatura Infantil

MODALIDADE DE GRUPO:

Primeiro	Lote de libros de Literatura Infantil
Segundo	Lote de libros de Literatura Infantil
Terceiro	Lote de libros de Literatura Infantil

4. Os premios entregaranse unha vez finalizado o pase de disfraces e o xurado efectúe a correspondente deliberación. O veredicto do xurado será inapelable.

5. A inscrición no concurso levará implícita a aceptación das presentes bases.

BASES DO CONCURSO DE CHOQUEIROS

1. Inscrición de participantes o mesmo día 28 de febreiro de 19:00 a 20:00 horas na entrada principal da Escola Municipal de Música (Rúa da Torre, 67). Poderase participar nunha única modalidade: individual ou de grupo (máis de dúas persoas), e non se permite a inscrición en ambas as modalidades.

2. O concurso desenvolverase nun escenario instalado na rúa da Torre confluencia coa rúa Curros Enríquez ou onde se determine pola organización se as condicións meteorolóxicas non permiten a súa realización nese lugar.

Hora de inicio: 20:00 h

3. Enténdese por “choqueiras” aquelas persoas que, sen utilizar traxes comercializados, disfrázanse utilizando a súa propia inventiva e atavíos convencionais para resultar estrafalarios.

4. Poderán formar parte no Concurso de Choqueiros todas as persoas nadas antes do 1 de xaneiro de 2005.

5. Establécense os seguintes premios:

MODALIDADE INDIVIDUAL

Un primeiro premio de	500,00 €
Tres segundos premios de	300,00 €
Cinco terceiros premios de	150,00 €

MODALIDADE DE GRUPO

Un primeiro premio de	600,00 €
Dous segundos premios de	400,00 €
Tres terceiros premios de	200,00 €

6. Entregaranse ademais 100 lotes de Entroido (1 mini lacón e unha restra de chourizos), aos primeiros inscritos. Na categoría de grupo entregaranse un máximo de 4 lotes por grupo.

7. A inscrición no concurso levará implícita a aceptación das presentes bases.